

## На Литургии: Антифон 1-й, глас 2-й:

**Стих 1, псалом 65:** Воскликните Господеви вся земля, пойте же имени Его, дадите славу хвале Его. **Молитвами Богородицы, Спасе, спаси нас. Паки другой лик, тойже стих:** Воскликните Господеви: **Молитвами Богородицы, Спасе, спаси нас. И паки 1-й лик, стих 2-й, псалом 76:** Глас грома Твоего в колеси, осветиша молния Твоя вселенную, подвижесе и трепетна бысть земля. **Молитвами Богородицы, Спасе, спаси нас. Таже 2-й лик, стих 3, псалом 103:** Во исповедание и в велелепоту облеклся еси, одеяйся светом яко ризою. **Молитвами Богородицы, Спасе, спаси нас. Слава, и ныне: Молитвами Богородицы, Спасе, спаси нас.**

## Антифон 2-й.

**Стих 1-й, псалом 47:** Горы Сионския, ребра Северова, град царя великаго. Спаси ны, Сыне Божий, преобразивыйся на горе поющия Ти: аллилуиа. **Другий лик, тойже стих. Стих 2-й, псалом 77:** И введе я в гору святыни Своея, гору сию, юже стяжа десница Его. Спаси ны, Сыне Божий: **Стих 3:** Гору Сионю, юже возлюби, и созда яко единорога святилище Свое. Спаси ны, Сыне Божий: **Слава, и ныне: Единородный Сыне и Слове Божий:**

## Антифон 3-й, глас 7-й.

**Стих 1-й:** Надеющийся на Господа, яко гора Сион, не подвижится во век.

### Тропарь, глас 7:

**Преобразился еси на горé, Христе Бóже, / показавый учеником Твоим сла́ву Твою, / я́коже можа́ху: / да возсияет и нам грéшным / свéт Твой присносу́щный, / молитвами Богорóдицы. // Светода́вче, слава Тебе.**

**Стих 2:** Горы окрест Его и Господь окрест людей Своих, от ныне и до века.

**Тропарь: Преобразился еси:**

**Стих 3:** Господи, кто обитает в жилищи Твоем? или кто вселится во святую гору Твою?

**Тропарь: Преобразился еси:**

**Стих 4:** Кто взыдет на гору Господню? или кто станет на месте святем Его?

**Тропарь: Преобразился еси:**

**Входное:** Господи, послѣ свет Твоѣ, и истину Твою, та мя наставѣста, и введѣста мя в гору святую Твою.

**Тропарь:**

**Преобразился еси на горѣ, Христе Бѣже, / показавый учеником Твоим славу Твою, / якоже можаху: / да возсияет и нам грѣшным / свѣт Твоѣ присносущный, / молитвами Богородицы. // Светодавче, слава Тебе.**

**Слава, и ныне. Кондак, глас тойже:**

**На горѣ преобразился еси, / и якоже вмещаху ученицы Твоѣ, / славу Твою, Христе Боже, видѣша: / да егда Тя узрят распинаема, / страданіе убо уразумеют вольное, / мирови же проповѣдят: // яко ты еси воистинну Отчее сияніе.**

**Трисвятое.**

**Прокимен, глас 4:**

**Яко возвеличишася дела Твоя, Господи, вся премудростию сотворил еси.**

**Стих:** Благослови душе моя Господа, Господи Боже мой, возвеличился еси зело.

**Апостол, Петрова посланія, зачало 65. [2 Петр., 1, 10 – 19]**

**Аллилуиа, глас 8:** Твоя суть небеса, и Твоя есть земля. Стих: Блажени людие, ведущіе воскликновеніе.

**Евангеліе Матфея, зачало 70. [Мф. 17, 1 – 9]**

**За Достойно, ирмос:** Рождество Твое нетленно явился: **И до отданія.**

**Причастен:** Господи, во свете лица Твоего пойдѣм, и о имени Твоем возрадуемся во веки.

**По заамвонной молитвѣ:** Тропарь, Слава и ныне: Кондак, посем, Буди имя Господне. Трижды.

**На трапезѣ же разрешаем на рыбу, и елей, и вино, аще среда или пяток.**